

JOHN M. CAPARROS

Exercise 7 : Storyline

Ang pagmamahal ng isang ina sa kanyang anak ay hinding-hindi matatawaran kahit nang anuman o sino pa man. May kasabihan nga na ang dakilang pagmamahal niya ay mula sa sinapupunan hanggang sa hantungan. Subalit ang istoryang ito ay maging sa kabilang buhay ay may koneksyon pa rin ang pagmamahal ng isang inang si Conching na nasa early 60's sa kanyang anak na si Miguel.na nasa early 30's.

Si Miguel ay isa ng ganap na Music teacher. Subalit, hindi na ito nasaksihan ng kanyang inang si Conching sapagkat, nasa unang taon pa lamang ng kolehiyo si Miguel nang sumakabilang buhay ang kanyang ina. Sampung taon na nang pumanaw ang kanyang ina. Sa mga taong yaon ay miminsan lamang nagpakita ang kanyang ina sa kanyang mga panaginip. Subalit, pagkatapos ng sampung taon ay madalas na si Conching magpakita sa kanya at iyon ay laking ikinagulat niya. Kaya naman sa tuwing siya ay nananaginip halos ayaw na niyang magising. Sapagka't doon lamang niya nakakausap at nadarama ang pagmamahal at pag-aaruga ng kanyang ina at doon lamang din siya nagiging makata. Halos ayaw na ni Miguel kumawala sa isang mala-paraisong aplaya-ang lugar kung saan lagi silang nagkikita ng kanyang ina sa pamamagitan ng isang panaginip. Anupat, pagkalipas ng dalawang linggo ay nalungkot si Miguel sapagka't kahit gusto niyang makipagkita sa kanyang ina sa kanyang panaginip ay hindi na niya siya makita. Nangamba siya na baka maghihintay na naman uli siya ng sampung taon bago muli niyang makita ang ina sa kanyang panaginip.